

Нақам анамилъу ытақук. Таўгенақ ныкнелъыпигук. Ынкам амалъи нуналгутңита пиникақат.

Упынгама, гук. Тамана сикү энмет ихтухкума. Альакагмың, гук, қаяхқуакут такут мугусильтыңит элит. Тана, гук, амта нукальпек амта қаяхқуақмиўк. Қонпың, гук, қаяхқуаққан анин малихтақа кем сиыңанун. Ынкам ысхагнегутақнан таўгенақ тагақук. Киңококу таным малихта-ам, ысхагнегутқан та. Атаўх, гук, имна агихтыхпынани мулупихтук.

Там, гук, анин ысхапалихтақа тагна сикүм туңыңа. Таўхкын таўка игвақыситахтук қаяқ. Қылығи игныға. Аңогақук сукеты-пихлъуни. Ани умыюгарахтук, сими кек уна таўгалъихта, накальу аңкигнахта?

Тутнами, гук, анин ысхаға, ақуна ик сикмимаўк. Итык тынпутук-ам нукувынгитук. Анин тана қаяқ амувьёғлуку, тана игныни ақумгавеның амо наньякыпихлъуку. Ысхагьякик, гук, кулик лъыған агук. Қылығи там сегъергыңунақым ныхсақ тукутыхпынан икилигенаглуку, тунуминун ыкума. Тана, гук, ныхсасурагақ қылығи қаримапихсимаўк. Амалъи ылагнигумамиўк тыгінгагми.

Там ныхсам-ам тасамакын кулик пакингупихсимақ, ынкам-ам аымсухенам қылығи тана нукальпек аўгминун малигусимаук. Ынкам, гук, ани там нукальпем илуни самсухенам, тукутыхпынан амигума тана ныхсақ, икума тымка-ам уқулгулуку. Таўгенақ нықдинаўхтыңан лъыған уңуаңған иманун сиңта. Танапасук, гук, лъыған ақуна тымкелъуни, нықдиналуни тага кытмохтук.

Сақаюхлъықа матыкогаку улуфкапихта. Рыпаль, гук, тана тапхақ тайикавык ылығы Имақльинун, китук.

Ынкам қамванхавьек таўхкын ысхақьягет аглут алетыфқаралгит. Ынкам тана амалъи ытыкитагапихтақук-ам, кеңухтақнаку тана ытыкитагақ савипихтақук.

Таўатын тана апыақат. Амалъи аңукагат ниқумат кулигамсук, натын илирык такук альакагусимақ.

Кулигамсук тана апхума ысималуни Ықалум.